

Conflicto cu doño di snack a escala

Auto cu material explosivo riba tereno di La Salle College

ORANJESTAD — Conflicto entre directiva di la Salle College y propietario di un snack na otro banda di De La Sallestraat a escala di tal forma dialuna cu a haya un auto riba tereno di scol cu materialnan explosivo den dje y un carta di menasa den cual a expresa intencion di kima La Salle College.

Acto aki mester a tuma lugaden oranan den oranan di marduga. “Nos tur a bin scol mainta anto niun di nos a pensa cu e auto aki ta di e meneer ey”, asina docente di CKV Raquel Lampe ta conta Bon Dia Aruba. Mas den dia e adjunct-directeur Ainsley Kelly a manda un mail na tur docente puntrando di ken e auto cora ta banda di lokaal 16. Tabata un alumno cu a constata finalmente cu e auto ta pertenece na e homber cu nan ta yama ‘Paisa’ cu ta doño di e snack. Un tanki di gas, un jerrykan di gasolin y un mokel cu paña a wordo haya den e vehiculo hunto cu un carta di menasa den cual ta skirbi cu lo kima e scol. Director a wordo impedi dor di polis pa saca potret di e carta. Recherche a encarga su mes cu un investigacion, pero asina mes ayera e doño di e snack a habri su lugatrankil y a bende su cuminda, segun Lampe. Tabatin rumornan cu e doño lo a menasa di comete



‘No tin siguridad’

“E ta hopi di lamenta cu no tin un forma di siguridad pa nos scol. Nos no tin concierge of security anto e cos aki a bay asina leu aworaki cu despues cu e cos a ki a tuma lugayera nos coleganan ta sinti nan mes hopi insegur. Bo no ta anticipa cu algo asina ta pasa alinan na Aruba y nos ta chill hopi biaha. Ora un cos asina pasa cu e siguridad di docentenan y studiantenan, bo ta

alumnonan pa cumpra un cos di come pafo di scol, mainta prome cu nan drenta of merdia ora scol a caba.”

‘Menasa, manipulacion y articulo’

Aña pasa e lugat snack a habri bek y segun Lampe for di momento ey e propietario tabata manda menasa pa director Daniel Brunk. Tambe el a manipula alumnonan pa firma carta contra directiva

dje durante oranan di les, segun Lampe. “E ta haya cu muchanan mester tin e derecho pa sali for di cura y cumpra cos di come cerca dje.

Nos scol ta responsabel pa tur alumno y di ora bo drenta cura di scol te ora scol caba bo no mag sali for di tereno di scol pa un motibo cu no ta valido, por ehempel si bo mayornan bin busca bo pa bay dokter of algo asina. No por ta asina cu nos tin mucha ta cana rond pasobra pa cuminsa e caminda tin trafico constantemente y si algo pasa mayor ta bisa hey, ma baha mucha na scol. Ki mishi e pafo di cura di scol? Unico momento cu nan ta pafo di cura di scol ta ora nan ta bay e veld na unda nan ta haci gym, pero atrobe bou supervision”, segun Lampe. Segun Lampe tin mas cos andando den cura di e snack cu no ta mucho apto pa muchanan di scol mira. “Mi mes como docente, pasobra mi por wak eyden for di unda mi ta traha, a mira pareha ta frei den habri gewoon asina. Muchanan mes ta conta kico ta pasando eyan. Comunicacion cu e doño di e snack a bira imposibel, segun e docente. “Te hasta polis el a falta respect. Aña pasa nos director a bay eyan pa saca un par di alumno y trece nan bek scol y e doño a menase cu e lo tira azeta cayente riba dje.” Director Brunk a entrega un keho cerca autoridadnan pero segun Lampe nada a pasa cu e keho aki. Tabatin varios oca-

sion en total na unda a tuma contacto cu polis.

Adictonan ambulante

Conflicto aki no ta e unico problema cu La Salle College tin aworaki, segun Lampe. Adictonan ambulante ta haciendo kiebbo constantemente den Dominicus College cu ta conecta cu La Salle. A bati na porta di instancianan concerni, a manda carta pa pone nan tur na altura, pero te dia di awe nada a wordo haci segun comunicado di prensa cu La Salle College a emiti ayera. Werkster di la Salle te hasta a haya susto di su bida ora el a bin haya un di e adictonan full sunu ta baña riba tereno di scol. Adictonan ta habri bentana di e edificio - cu segun Lampe DOW a priminti di lo a bin claba pa nan no pasa - y asina drenta riba tereno di scol, lagando artefetonan di uso di droga den lokaalnan.

Hala atencion

La Salle College, un scol grandi cu alrededor di 550 alumno y 35 personal, kier hala atencion di SKOA y otro instancianan pa yega na un solucion. Awe nochi y mañan anochi durante anochi di informacion cu tabata planea caba, lo tin oportunidad pa mayornan haya mas informacion.

Ta urgi tur mayor pa ta presente na e anochi aki. “E ta hopi fastioso pasobra nos no por garantisar nada. Nos mes no ta sigur”, segun Lampe. □



suicidio pero ayera a muestra di ta un dia comun y oriente na e snack. Bon Dia Aruba a purba tuma contacto cu e doño di e snack pero a haya e lugat den oranan di atardi. Scol a entrega un keho, pero niun detencion a cay. Te hasta e auto ta bek den cura di e doño di e snack na otro banda di caminda, dilanti scol.

sinti stress”, segun Lampe. E ta confirma cu pa basta tempo caba tin un conflicto entre e scol y e doño di e snack, na unda antes alumnonan di La Salle tabata bay cumpra cuminda te dia cu scol a prohibi nan pa Sali for di tereno di scol mientras cu nan ta den oranan di bay scol. “Esey ta nos regla di semper”, segun Lampe. “Nos no ta prohibi

di scol, a yama via telefon di scol pa haci menasa personal, a laga publica articulo den corant contra director trociendo e berdad, a menasa cu e lo laga directiva di scol sa ta ken e ta, a manda carta contra La Salle College na diferente instancia pa purba desacreditar directiva di e scol. Tur esaki pa motibo cu alumnonan no por cumpra cuminda cerca